

# Pučowanska šćežka abo puć dopóznaća

Lk 24,13-35

## **Přihot:**

Čaru wotpowědnje móžnosćam přihotować (hodži so jako pućowanje abo tež w swójskej zahrodže). Cedlki z prašenjami jako pućniki rozdžělić. W cilu, w zahrodže blido z chlébom a listowej wobalku z prawymi wotmołwami měć. Biblisku stawiznu přihotowanu měć. Snano cedlki, pisaki (jeli chceš prašenja a wotmołwy napisać)

## **Hłowna mysl:**

Jězus je mjez nami. Druhdy jeho njespóznejemy, druhdy jeho spóznejemy, kaž wučomnikaj po puću do Emmausa. Jako pak běštaj spóznałoj, zo je Jězus woprawdže z mrtwych stanył a z tym mějachu ći prawje, kotřiž su jimaj to hižo wozjewili, staj so nawróćiloj. Tež wonaj chcyštaj nětko swoje dobre poselstwo z druhimi džělić.

## **Hra:**

Kóžde prašenje so na čarje jako pućnik połoži.

Bibliska stawizna wo wučomnikomaj po puću do Emawsa so čita. (Pak jedyn za wšěch předčita abo kóždy jedyn wotrězk abo rozdžělene wosoby.) Po tym so zhromadnje na puć podadza.

W cilu steji blido z chlébom a leži list, w kotrymž su wotmołwy w njerjadowanej formje.

Wobdžělnicy dyrbja wróco a wotmołwy prawje přirjadować. To je kontrola, hač su swójske wotmołwy prawe a z dobom nazhonjenje, zo dyrbiš druhdy wróco (tež w žiwjenju), zo by so zawěsćił. Nimo toho móže so při tym hnydom material zaso zhromadzić.

## Luk 24,13-35

<sup>13</sup> A hlej, tón samy džen džěštaj dwaj z nich do wsy z mjenom Emmaus, wot Jerusalema šěsćdzesat stadijow zdalenej. <sup>14</sup> Rěčeštaj mjez sobu wo wšěm tym, štož bě so stało. <sup>15</sup> Hdyž so tak rozmołwještaj a mjez sobu so prašeštaj, přibliži so Jězus sam a džěše z nimaj. <sup>16</sup> Jeju woči pak běštej dđeržanej, tak zo jeho njespóznaštaj. <sup>17</sup> A rjekny jimaj: „Wo čim sej to po puću tak powědataj?“ A wonaj zrudnaj zastaštaj. <sup>18</sup> A jedyn z njeju, z mjenom Kleofas, wotmołwi jemu: „Sy ty jenički cuzy w Jerusaleme, kiž njewě, što je so tam w tychle dnjach stało?“ <sup>19</sup> Wón rjekny jimaj: „Što je so stało?“ Wonaj wotmołwištaj: „To z Jězusom Nacaretskim, kiž bě profet, mócný w skutku a słowje před Bohom a přede wšěm ludom. <sup>20</sup> Kak su jeho naši wyši měšnicy a člonojo Wysokeje rady wudali k zasudženju na smjerc a jeho skřižowali? <sup>21</sup> My však so nadzáchmy, zo wón israelski lud wumóže. A ke wšěmu tomu je džensa hižo třěci džen, zo je so to stało. <sup>22</sup> Někotre z našich žónskich však su nas naplósili, dokelž pobychu rano při rowje, <sup>23</sup> ale jeho čělo njenamakachu. Přińdžechu a rozprawjachu, zo su tež widželi zjewjenje jandželow, kotrajž jim prajištaj, zo je wón žiwy. <sup>24</sup> Někotři z našich džěchu potom k rowej a nańdžechu wšo tak, kaž běchu žónske prajili, ale jeho samoho njewohladachu.“ <sup>25</sup> A wón rjekny jimaj: „Ow krótkomyslnaj a słabowólnaj k wěrjenju wšeho toho, štož su profeca rěceli: <sup>26</sup> Njeměješe Mesias to ćerpjeć a tak zastupić do swojeje krasnosće?“ <sup>27</sup> A spočawši z Mójzesom a wšěmi profetami wukładowaše jimaj ze wšitkich pismow, štož běše wo nim pisane. <sup>28</sup> Tak so přibližichu ke wsy, do kotrejež džěštaj, a wón činješe, jako by chcył dale hić, <sup>29</sup> ale wonaj nućeštaj jeho prajo: „Wostań z namaj, dokelž so hižo wječori, a džen je so nachilił.“ A wón z nimaj zastupi. <sup>30</sup> Hdyž za blidom sedžachu, wza wón chléb, požohnowa jón, łamaše a dawaše jimaj. <sup>31</sup> Tu wotewrěštej so jimaj woči a spóznaštaj jeho, ale wón so jimaj z wočow zhubi. <sup>32</sup> A rěčeštaj mjez sobu: „Njehorješe so namaj wutroba, jako po puću z namaj rěčeše a namaj pisma wukładowaše?“ <sup>33</sup> A stanywši w tej samej hodzinje chwataštaj do Jerusalema. Namakaštaj jědnaóoch a jich towaršow zhromadzenych.<sup>34</sup> Či prajichu: „Knjez je woprawdže stanył a so Symanej pokazał.“ <sup>35</sup> Tež wonaj rozprawještaj, što bě so jimaj po puću stało, a kak běštaj jeho při łamanju chléba spóznałoj.

## Prašnja a wotmołwy

Prašnja k markěrowanju puća a wotmołwy we wobalce w cilu:

Štó napisa najkrótsu knihu w bibliji  
a kak wona rěka?

Jan –  
2. list swjateho japoštoła Jana

Swjate pismo wobsteji z  
3.500.000 \_\_\_\_\_.

pismikow

Kak rěka najstarši muž biblije?

Metusalem

Što stwori Bóh na 7. dnju?

ničó

Kelko kilometrow  
je 60 stadijow?

60 x 200 m = 12 km

Kak rěkaja najwyša hora,  
najdlěša rěka a  
najhlubši jězor zemje?

Mount Everest,  
Amaconas,  
Bajkalski jězor

Kak rěka 1. dzeń tydženja  
po jutrach?

póndžela

Kak mjenuja so dny,  
kiž njejsu njedzele?

wšědne dny